



Ukununnga

Inatsisartunut ilaasortaq Knud Kristiansen aamma
Inatsisartunut Gerhardt Petersen, Atassut

Kigutit nakorsaasa sullissisarnerat aamma kigutit nakorsaattut ilinniarnermik naammasseqqammertunik atorfinittisarneq pillugit § 37.1 naapertorlugu apeqqutinut nr. 62/2014-mut akissut

25. marts 2014
Sagsnr. 2014-097150
Dok. Nr. 1528498

Postboks 1160
Tlf: 34 50 00
Fax: 32 55 05
3900 Nuuk
Email: pan@nanoq.gl
www.nanoq.gl

Kigutit nakorsaasa sullissisarnerat aamma kigutit nakorsaattut ilinniarnermik naammasseqqammertunik atorfinittisarneq pillugit apeqqutit qujavunga. Kigutit nakorsaattut ilinniarnermik naammasseqqammersut atorfinittisarneqartarsimanginnerannik oqaaseqarnermik apeqqutit tunngaveqarput. Apeqqutit ataasiakkaat akinginneranni ilisimatitsissutigissavara kalaallit kigutit nakorsaattut ilinniartut ilinniarnermik naammasseqqammersut peqqinnissaqarfiup sulissutigisaraa ilinniarnermik naammassissut, sumiiffinni kigutit nakorsaasa atorfinittisarneqarnissaat peqqinnissaqarfiup itigartitsissutiginnngisaannarnikuuaa, kingullertigullu kalaallit kigutit nakorsaattut ilinniarnermik naammassissut pingasut Kalaallit Nunaanni atorfinittisarneqarnikuupput.

1) Nunatsinni kigutit nakorsaat aalajangersimasumik atorfillit ullumikkut qanoq amigaatigineqartigippat?

Kalaallit Nunaanni kigutit nakorsaatut piffissaq tamakkerlugu atorfiit ullumikkut 30,41-pput. Tamassuma saniatigut Qaqortumi aalajangersimasumik kigutit nakorsaat 1. maj 2014-imi atorfinissaaq, Nuummi Nuummi aasap ingerlanerani kigutit nakorsaat marluk atorfinittisarneqassapput iliamgineqarporlu Sisimiuni ukiap ingerlanerani kigutit nakorsaat marluk aalajangersimasumik atorfeqalissasut. Tamassuma saniatigut aalajangersimasumik taartaasartutut atorfiit inuttalerneqarnikut arlaliupput.

2) Sumiiffinni assigiinngitsuni kigutit nakorsaannik amigaateqarneq qanoq inissisimava?

Kigutit nakorsaat aalajangersimasumik atorfillit Qaqortumi, Kangaatsiami, Qasigianguani, Upernavimmi, Qaanaami Tasiilamilu maannakkut amigaataapput. Qaqortumi atorfik 1. maj 2014-imi inuttalerneqassaaq. Kigutit nakorsaat aalajangersimasumik atorfeqartut amigaataagaangata atorfiit taartaasartunik inuttalerneqartarput.

3) Kigutit nakorsaattut ilinniartut nunatsinneersut qassiuppat?

Københavns Tandlægeskole-mi ilinniartut marluupput aamma Århus Tandlægeskole-mit ilinniartut marluupput.

4) Kigutit nakorsaat ilinniareerermik kingorna nunatsinnut angerlarlutik sulilernissaminnut periarfissaat qanoq annertutigippat?

Kalaallit kigutit nakorsaattut ilinniarnermik naammassisut Kalaallit Nunaanni atorfinitsinnissaat peqqinnissaqarfiup tamatigut qulakkeerniartarpaa, taamaaliorniarlunilu annertuutigut akuersisarluni.

Kigutit nakorsaattut ilinniarnermik naammasseqqammersut nammineerlutik kigutit nakorsaattut sulillinnginnerminni, tassa kigutit nakorsaattut nammineerluni sulinissamut akuersissummik pissarsinnginnermi, kigutit nakorsaannit tamakkerlugu akuersissumik pigisaqartumit ukiumi ataatsimi ilitsersorneqarlutik sulisussaapput. Taamaammat aatsaat ilitsersuisinnaasumik kigutit nakorsaattut akuersissuteqartoqarpat ilinniarnemillu naammassinermi atorfiit inuttaqanngitsut ilaat atorfigerusuppatigut atorfinittoqarsinnaavoq.

5) Ilisimaneqartut kigutit nakorsaattut nakorsatullu ilinniarnert ilinniarneq tamaat sukumiisumik ingerlanneqartariaqartarput, oqaatigineqarsinnaavorlu taakku ilinniarnermik saniatigut isertitaqalaarumallutik suliffeqarnissaminut periarfissaqarnerat ilinniartunut allanut sanilliullugu annikinneerarsuusarpoq, tamatumalu malitsigisaanik ilinniarnermusiat tamatumalu saniatigut ilinniartunut taarsigassarsiaritinneqartarput saniatigut aningaaserivinnut erniakkaaqsiumik taarsigassarsiniartariaqartarput, naammasserlaajullutik aningaasatigut artorsarnerannik kinguneqarajuttumik. Naalackersuisut piumassuseqarsinnaanerlutik ilinniartut saniatigut isertitaqalaarsinnaanissaminut periarfissaqanngitsut aningaasatigut ilinniartoqatiminnit ajornerunngitsumik inissisimanissaat qulakkeerniarlugu iliuseqarnissaminut?

Ilinniartut ilinniagaqarnerminnik killilersorneqaannanngitsunik aammali assersuutigalugu ilaqaqarnermit atugassaritinneqartunillu allanit killilerneqanngiinnanngitsunik saniatigut isertitaqarnissamut assigiinngitsorujussuarnik periarfissaqassapput. Tassunga peqatigitillugu ilinniarnertik ingerlanniarlugu suliniuteqarnerat assigiinngitsorujussuusinnaavoq. Tamanna tunngavigalugu Naalackersuisut isumaqarput saniatigut suliffeqarsinnaanermut periarfissaqarneq inuit ataasiakkaat atugaat apeqqutaasorujussuussasoq, taamaammallu ilinniarnerni ataasiakkaani ilinniartunut aningaasatigut immikkut atugassaqartitsisoqartariaqanngitsaq.

Tassunga peqatigitillugu oqaatigineqassaaq kigutit nakorsanngorniarnimmi kalaallit ilinniartut, kalaallit ilinniartut allat assigalugit, ilinniarnermik naammassinereernerup kingorna Kalaallit Nunaanni najugaqalerunik, ilinniarnermi taarsigassarsiat taarsersornissaanut pisortanit tapiiffigineqarnissamik periarfissaqartut.

6) Kigutit nakorsaattut naammasserlaat nunatsinnut angerlarnissaannut tikilluaqqusisarneq qanoq pitsaanerulersinneqassanersoq Naalackersuisut tikkuussisnaappat?


Innuttaasut ilinniarnermik naammassinneqammersut ilinniarnermik naammassinera kingorna Kalaallit Nunaannut angerlamut angalanerminnut akiliunneqarsinnaapput, pequtit assartorneqarnerat ilanngullugu. Taamaaliornikkut ilinniarnermik naammasseqqammersut nunatsinnut uternissamut periarfissilluarneqartarput.

Tamassuma saniatigut erseqqissarneqassaaq kalaallit illui suliaqartartut, ilaatigut suliffeqarfinnut pulaartisisarnikkut, politikkikkut oqallittarnertigut il.il. kiisalu Namminersorlutik Oqartussat Avalak suleqatigalugu suliffiit pillugit ukiumoortumik saqqummersitsisarnerisigut. Suliniutini taakkunani ilinniarnep nalaani nunatsinnut attuumassuteqarneq qulakkeerneqartarpoq.

7) Kigutit nakorsaannut tunngatillugu allanik Naalakkersuisut ilisimatitsissuteqarusuppat?

Kigutit nakorsaarneq pillugu soqutiginninneq apeqquteqarnikkut takutinneqartoq nuannaarutigaaara annertunerusunillu apeqquteqartoqarnissaanut piareersimallunga.

Inussiarnersumik inuulluaqqusillunga



Steen Lyngé

Peqqissutsimut Aqaveqarnermullu Naalakkersuisoq